

ARGUMENTUM.

*Quomodo Judex de Judicio rectè constituto querere debeat, prescri-
bitur.*

EXEGESIS.

Postquam confessus judicum & Assessorum est factus, & judicium constitutum, tum Judex tenetur singulos Assessores interrogare, an Judicium istud rectè & legitimè sit constitutum, & numquid sufficiens adsit Judicantium numerus? Formulam interrogationis exhibet Remus *ad artic. 84. pag. 82.* Semproni, ex te scire cupio, numquid ex animo credas, justum & sufficientem hunc esse numerum Assessorum, qui adsunt, à quo capitalis sententia in Cajum feratur; Mantz. *ad h. artic. num 2. pag. 329.* Germanicam formulam concepit. Rationem subinde istius quæstionis addit, quia sæpissimè contingere solet, ut Assessores, dum formidant super sanguine & vita hominis judicare, & varias causas, quare comparere in judicio nequeant, callidè excogitant, sese judicio capitali subducant; Quod tamen permitti non debet; cum nemo sese subtrahere debeat in ferenda sententia capitali, quæ plurimorum votis examinanda prius est, quam ad exitum perducatur. Non tantum ideò, quòd integrum censeatur Judicium, quod plurimorum sententiis confirmatum est: *per l. 8. C. de L. l. c. 22. Extr. de Offic. & potest. Judic. deleg. Gail. l. 1. Obs. 33. n. 2. pag. 63.* Verùm etiam, quia ipsi iurjurandò obstricti sunt ad judicandum de vita & sanguine hominis, Ne itaque è paucorum dijudicatione oriatur suspicio erroris, præcipitantiæ, inscitix, vel affectûs, ideò oportet omnes, qui sunt de numero judicum, adesse, vel si quidam ob justa & legitima impedimenta abesse cogantur, judici incumbit interrogare: An judicium legitimè sit constitutum, & numquid sufficiens numerus Assessorum adsit?

Deinde, si judicium istud non minore, quam septem aut octo Assessorum numero fuit constitutum, tum quilibet ex illis interrogationi judicis ita respondebit: Domine judex: Judicium hoc criminale, quo de capitali sententia ferenda agitur, juxta Cæsaris Caroli

Caroli